

卷廿七

卷廿三之廿五

对

廿三之廿五



續文獻通考卷之三十三

土貢考

明

內地常貢

南直隸宜興縣貢芽茶一百斤

內二斤上
南京禮部

廬州府六

安州貢芽茶三百斤 廣德州貢芽茶七十五斤建

平縣貢芽茶二十五斤 浙江湖州府長興縣貢芽

茶三十五斤

納南京

紹興府嵊縣貢芽茶八斤

會稽

縣三十二斤

温州永嘉縣貢芽茶一十斤

樂清

縣一十斤 杭州府臨安縣貢芽茶二十斤 富陽
縣茶二十斤 寧波府慈谿縣貢茶二百六十斤
處州府麗水縣貢芽茶二十斤 金華縣茶二十二
斤 衢州府龍遊等縣貢芽茶共二十斤 台州府
臨海等縣貢芽茶一十五斤 嚴州府建德縣貢芽
茶五斤 淳安縣五斤遂安縣三斤壽昌縣三斤
桐廬縣二斤分水縣一斤 江西南昌府貢芽茶七
十五斤 南康府二十五斤 贛州府一十一斤
袁州府一十八斤 臨江府四十七斤 九江府一

百二十斤 瑞州府三十斤 建昌府二十三斤
饒州府二十七斤 南安府新縣一十斤 湖廣武
昌府貢芽茶六十斤 岳州府湘陰縣六十斤 寶
慶府邵陽縣二十斤 武岡州二十四斤 新化縣
十八斤 長沙府安化縣貢芽茶二十二斤 寧鄉
縣二十斤 益陽縣二十斤 湖廣共二百斤內
十八斤南京納 福建
建寧府建安縣貢芽茶一千三百六十斤內探春二
十一斤先春六百四十三斤次春二百六十二斤紫
笋二百二十七斤薦新二百一斤 崇安縣貢茶九

續文獻通考
百四十一斤內探春茶三十三斤先春三百八十斤
次春一百五十斤薦新四百二十八斤計各處貢芽
茶共四千二十二斤

太祖洪武二十四年九月詔建寧歲貢上供茶聽茶戶
採進有司勿與 勅天下產茶去處歲貢皆有定額
而建寧茶品為上其所進者必碾而揉之壓以銀板
為大小龍團 上以重勞民罷造龍團惟採茶芽以
進其品有四曰探春曰先春次春紫笋先是置茶戶
五百免其徭役俾專事採置久之有司恐其後時嘗

遣人督之茶戶畏其逼迫徃徃遺賂上聞之乃有是

命 直隸寧國府宣城縣進木瓜三千三百個內上

瓜二千八百中瓜五百 廣西思明府貢消毒藥五

百三十四味共三千零八斤 內錦地羅一味重二斤
消食藥十味消毒藥十

八味重十九斤大衝藥一味
重一斤塞住六味重四斤 四川成都府貢藥材七

味天雄二十對附子二十對川烏三十對漏藍二十

斤仙茅二十一斤補骨脂十五斤巴豆四斤

南京各衙門每年起運各項物件三十起寔用船一
百六十隻司禮監制帛一起寔用船五隻筆料一起

寔用船一隻守備處鮮梅一起四十扛或三五扛寔
 用船八隻枇杷四十扛或三十五扛寔用船八隻揚
 梅一起四十扛或三十五扛寔用船八隻尚膳監笋
 一起四十五扛用船八隻鮭魚一起四十四扛寔用
 船七隻又鮭魚一起四十四扛以上六起寔船七隻
俱用水
 守備處鮮鮮橄欖等五十五扛寔用船六隻鮮茶一
 起十二扛寔用船四隻木樨花一起十二扛寔用船
 一隻石榴柿子一起四十五扛寔用船二隻甘橘甘
 蔗一起五十扛寔用船一隻尚膳監天鷲等一起二

十六扛寔用船三隻醃菜薑等物一百三十二罈寔
 用船七隻笋一起一百一十罈寔用船五隻乾鮭魚
 等物一百二十罈寔用船七隻紫蘆糕等物二百四
 十八罈寔用船四隻鷓鴣等物一起十五扛寔用船
 二隻司苑局葶薺一起七十扛寔用船四隻苗薑一
 起一百擔寔用船五隻薑種芋頭等物一起八十扛
 寔用船五十隻十樣果一起一百四十扛寔用船六
 隻魚藕一起六十五扛用船五隻 內府供用庫香
 稻一起五十扛用船三隻苗薑等物一百五十五扛

寔用船六隻十樣果一百一十五扛寔用船三隻御馬監首畜種一起四十扛寔用船三隻

會典載各處辦野味共一萬四千二百五十隻至弘治中歲辦一萬四千五百一十四隻又活鹿二百六十七隻活天鷲三百二十隻各處歲辦雜皮二十一萬二千張至弘治中歲辦二十四萬七百六十一張各處歲辦翎毛一千三百五十五萬六千根至弘治中歲辦二千二百七十六萬六千五百五十根諸貢視昔已增矣

孝宗弘治十八年春三月吏部尚書馬文升疏請革大弊以蘇軍民云我太宗文皇帝遷都北平其南京并各處進貢方物尚未有皇馬快船之差至宣德正統年間以後或裝載薦新等物及南京所造節餼等項用船數多所過州縣動撥人夫千百名其夫俱係附近州縣衛所出銀顧覓少則用銀數十兩多則三五十兩一年之間自儀真抵通州所用顧夫等項銀不下數十萬俱係下民膏脂而不係賦稅洪武以來軍民未常遭此困苦來京馬快船隻其弊固多而進鮮

者其害為甚且進鮮乃朝廷敬奉祖宗之意固不可
缺今所進物皆若青梅小竹笋萵苣菜宣州梨蓋因
太祖高皇帝踐祚之時所用故猶進奉供薦今京師
果品蔬菜雪梨青杏比南京所產者其味尤佳隨時
供薦亦可將敬又奚待于南京者况我列聖相承咸
以愛養黎元為心雖 皇上篤于大孝以奉祖宗但
祖宗在天之靈憫念軍民困苦亦必為之不憚伏望
將前項薦新如青梅蓮藕宣州梨苜蓿菜之類於中量
免進奉省少船隻揚梅枇杷鱒魚北方不產者照舊

進奉供薦其餘若馬槽節籩之類止運竹木來京著
落此處該衛匠役編造應用仍 勅南京兵部今後
差撥馬快船隻務照准奏事例滿船裝載不許多撥
沿途擾人庶馬快船隻減其多差而沿河軍民免其擾
害之弊矣疏入 上大喜

歷年事例

國朝凡貢獻金銀器皿珍珠段疋等先日具奏次日照
進內府俱付長隨內使收受凡貢獻蘓木胡椒香臘
藥材等所在布政司即會同都司按察司官檢視物

續文獻通考
貨呈報數目差人起解來京

太祖洪武甲辰江西行省以陳友諒鏤金床進 太祖謂侍臣曰此與孟昶溺器何異以一床工功若此其餘可知覆車之轍不可蹈也命毀之 元年戊申蘄州進篔 上謂廷臣曰古者方物之貢惟服食器用故無耳目之娛玩好之失今進竹篔固為用物但無命來獻恐天下聞風爭進奇巧勞民傷財自茲始矣却之仍詔四方非朝廷所需者毋妄獻

成祖永樂二年秋九月周王肅自獻騶虞於闕下群臣

稱賀上顧謂侍臣祥瑞之來亦令人驕騶虞若果為祥在朕更宜加慎 五年廣東布政使徐奇以進香至京隨載領南土物欲遺諸大臣及侍臣之任事者奇因有所列單忽失之有中官拾以聞 成祖特召楊士奇出單示之且問卿何獨無名士奇對徐奇初赴廣東眾作相贈而臣病未作土物之饋蓋荅詩文耳且臣觀單內土物不過藤枕藤篔蘹合香丸之類皆微物非重貨無他意 成祖即取單目付中官燬之一無所問惟諭士奇曰為臣當戒私交為士當務

清慎

憲宗成化壬寅廣東左布政使彭韶上疏請罷貢獻先是鎮守內臣顧恒歲有進貢之儀里胥乘機科索民不勝其擾故有此疏

世宗嘉靖四年寧波知府楊最言本郡僻處海隅地不產桑所貢綺繒乞改貢價料從之令今歲諸幣未具者俱聽入金 甲子年廣西進葛布二百疋三月四川布政司進年例川扇一萬一千五百四十把 蜀王進金錢鉸扇一千二把及篋扇六十把 夏四月

命四川布政司仍造川扇柄小者增二百把細巧者五百把同年例進不許粗重 河南扶溝縣民盧大亨以女盧氏進受之給大亨月米一石仍免雜差是女年十三頗知書史 雲南巡撫教宗慶進象十一隻 五月太醫院御醫王金獻壽桃香一座及鮮芝二十本八月又以香山三座鮮芝三十六本及寶燭鮮桃等進奏云以隆甲子仰祝萬壽 上悅命內監收賜銀八兩 吉王進紵絲四端恭祝甲子年萬壽以同天永 六月秦王獻銀一千兩恭賀甲子萬

致仕大學士嚴嵩以鳳眼等香四十三炷進上喜賜銀五十兩紵四表裏 廣東進珍珠三千二百餘顆提督兩廣侍郎王桂芳進龍涎香六十兩 鎮守雲南黔國沐朝弼以賜建忠愛祠進馬十疋 陝西肅王請建清醮延萬壽仍進馬四疋 丙寅秋八月戶部以廣東香品進上覽而悅之詔加彼處督巡官俸一級 冬十月太醫院御醫王金以延壽香五萬帶仙籍醫方五十五本進 戶部進綠石三塊共重三百五十六斤 是時張璘疏停額外貢獻其畧云

臣聞帝王之盛貢獻出於租入之中而邦本安苟且之政貢獻浮於租入之外而國脉耗伏覩 皇上登極詔旨有額外進貢一切停止之言已仰窺 陛下仁聖天至不欲重困軍民以適其私但各鎮守總兵等官不能仰體聖懷講求德意或託舊例以誤天聰或假謝恩已售已私 陛下未究所從來承前之訛遂後之失格恩旨於不信啟貪戾於方來臣竊為聖明惑之節查會典內府織造所用紅花於所產之處稅糧內折收如山東河南二處俱有定數其法一

成而不變其額百世而不虧而寧夏鎮總衙門所貢
紅花蓋不繫令甲之內特一時喜事獻諛之徒創為
此舉以誤先朝大學士楊一清亦嘗建白為停免而
沮於群咻未得俞允之命因循持疑遂為厲階夫寧
夏地方孤河外與北虜為隣其間雖有平衍田疇類
多鰾鹵寒冷之地而所入之花播種耕耨者看守採
擇之苦不可勝言歲無豐凶例取登足往往督趣窮
軍出錢賠補自甲及乙及丙操切嚴峻莫敢或後而
又程途寫遠輸運艱難起役丁夫僱倩車馬以及指

稱盤費打點使用尤為不貲朝庭_廷之所得幾何而計
其所耗固已百倍于所貢之數此愚臣之所為長太
息也至于鎮總等官到任未幾輒有獻馬之舉名為
謝恩此寔先朝敝風蓋喜其能充吾之腹而不悟其
割吾之肉取其能適己之欲而不知其傷吾之心而
其流弊至中官旁午道路依憑別旨以發府庫之財
假托供奉以糜縣官之物陛下之所深知而痛心疾
首者也昔皇祖却竹簟之進仁宗動色於黃驥賈湖
之奏英宗拒海溥馬駝之進祖宗之所以結人心凝

天命以培千萬載不拔之基者典則具在是固聖子
神孫所當服膺而遵承之者也况今物力凋耗之餘
軍民困苦之後陛下於先年寔徵錢糧歲辦織造等
項皆已量免顧此額外貢獻之害未能蠲除此非特
鎮總官之罪也伏願陛下上繩祖武下憫人窮亟為
停免凡不係有司額貢者並不許貢獻以擾軍民庶
幾不失詔旨之初意有以廣大信于天下興利之源
永塞而邦本安固不搖矣 三十六年雲南布政鮑
道明獻瑶石一萬五千八百顆 四川巡撫黃光昇

獻礦砂五百斤

萬曆六年蜀府進扇回賜銀三百兩大紅金綵常
服三襲若係世子改綵段四表裏銀同差來人賞鈔
五百貫 十年賜親王大紅織金閃色團龍常服紵
絲一襲紗一襲管理親王府事者與靖江王各大紅
織金團龍常服紵絲一襲 二十六年二月蜀王進
扇上賜銀一百兩大羅常服一襲 二十七年五月
雲南土司景從等進貢象一隻及金壺銀盤孔雀尾
外夷常貢物

朝鮮

金銀器皿

各色紵布

白細花蓆

人參

豹皮

獺皮

黃毛筆

白綿紙

安南

金銀器皿

薰衣香

降真香

沉香

速香

木

香

黑綠香

白絹

犀角

象牙

紙

扇

暹羅

象

象牙

犀角

孔雀尾

龜筒

六足龜

寶石

珊瑚

金戒指

片腦

糖腦

腦油

腦紫

檀香

速香

安息香

黃熟香

降真香

羅斛香

乳香

樹香

木香

烏香

丁香

阿魏

薔薇水

丁皮

琬石

柴梗

藤竭

藤黃

琉黃

沒藥

烏爹泥

肉豆蔻

蘓木

烏木

大風子

苾布

油紅布

白綿頭布

紅地絞節智布

紅杜花頭布

西洋布

紅撒哈刺布

紅邊白暗花布

乍蓮花布 馬邊葱白暗花布 細棋子花布

織花紅絲打布 紅花絲手巾

織人像花文打布 剪絨絲雜色紅花面被面

織人像雜色紅花文絲幔

琉球

馬 琉黃 蘓木 胡椒 螺殼

海巴 刀 生紅銅 錫 牛皮

擢子扇 磨刀石 瑪瑙 烏木 降香

木香

占城

象 象牙 犀 犀角 孔雀

橘皮味身香 金銀香 奇南香 土降香

檀香 栝香 燒碎香 烏木 花梨木

蘓木 花藤香 蕪蔓菴沙 紅印花布

白綿布 油紅花布 烏綿布 圓壁花布

花紅邊幔 雜色幔 番花手巾 番花手帕

兜羅錦被 洗白布泥

真蠟

象牙 象牙 蘓木 胡椒 黃蠟

犀角 烏木 黃花木 土降香 寶石

孔雀翎

日本

馬 匾 鎧劍 腰刀 鎗

塗金裝彩屏風 牛皮灑金厨子 灑金文臺

灑金手扇 描金粉匣 描金筆匣

描金提鈔 灑金木鈔角盥 貼金扇

瑪瑙 水晶數珠 琉黃 蘓木

爪哇

胡椒 葦艾 蘓木 黃臘 烏爹泥

金剛子 烏木 番紅土 薔薇露 奇南香

檀香 麻藤香 速香 降香 木香

乳香 龍腦 血竭 肉豆蔻 藤竭

阿魏 蘆薈 沒藥 大風子 丁皮

番木鱉子 琬石 悶蟲藥 葦澄茄

烏香 寶石 珍珠 錫 西洋鐵

鐵鎗 摺鐵刀 苾布 油紅布 孔省

火雞

鸚鵡

玳瑁

孔雀尾

翠尾

鶴頂

犀角

象牙龜筒

黃熟香

安息香

瑣里

馬

紅撒哈刺

紅八者藍布

細番布

覬木里布

白苾布

珠子頂串

西洋瑣里

黃黑虎

馬

三佛齊

黑熊

火雞

孔雀

五色鸚鵡

諸香

苾布

兜羅錦被

白獺

龜筒

胡椒

肉豆蔻

番油子

米腦

淳泥

珍珠

寶石

金絲環

龍腦

牛膝

梅花腦

玳瑁

降香

金戒指

檀香

丁香

沉速香

黃蠟

犀角

肉豆蔻

龜筒

螺殼

黑小廝

鶴頂

熊皮

倒掛鳥 孔雀 金銀八寶器 五色鸚鵡

百花

白鹿 紅猴 龜筒 玳瑁 孔雀

胡椒 象牙 倒掛鳥

彭亨

金花罐 檀香 乳香 速香 片腦

胡椒 象牙

淡巴

苾布 兜羅錦被 沉香 檀香

速香 胡椒

古里

寶石 金繫腰 珊瑚珠 琉璃碗 佛郎

奴刃刀 寶鐵刀 蘓合_{玉油} 阿思模達塗兒氣

龍涎 梔子花 花氈單伯蘭布 苾布

木香 紅絲花手巾 番花人馬象物手巾

乳香 線結花靠枕 檀香 胡椒 錫

滿刺加

番小廝 犀角 象牙 玳瑁 鶴頂

鸚鵡 黑熊 黑猴 白鹿 鎖袂

金母鶴頂 金廂戒指 撒哈刺

白苾布 薑黃布 花縵 撒都細布

西洋布 梔子花 薔薇露 片腦 黃連香

金銀香 降真香 紫檀香 大風子 沉香

乳香 丁香 烏木 蘓木 番錫

番鹽

沙羅

黑小斲 花蕉布 珍珠 玳瑁殼 黃蠟

降真香

小葛蘭

珍珠傘 白綿布 胡椒

阿魯

象牙 熟腦

榜葛刺

馬 馬鞍 鉞金琉璃器皿 青花白磁

糖霜 撒哈刺 者抹黑答立布 洗白苾布

兜羅錦 鶴頂 犀角 翠毛 鶯哥 乳香

麝黃 熟香 烏木 紫膠 藤竭

烏香 蘓木 麻藤香 烏烏參泥 胡椒

錫蘭山

寶石 珊瑚 水晶 金戒指 撒哈刺

象 乳香 木香 樹香 土檀香

沒藥 藤竭 蘆薈 硫黃 烏木

胡椒 碗石 西洋細布

蘓門答刺

馬 犀牛 龍涎 撒哈刺 拔眼

寶石 木香 丁香 降真香 沉速香

胡椒 蘓木 錫 水晶 瑪瑙

番刀 弓 石膏 硫黃 回回青

蘓祿

梅花腦 米腦 竹布 綿布 玳瑁

降香 蘓木 胡椒 葦艾 黃蠟

番錫

迤北瓦刺

馬 駝 貂鼠皮 海青

泰寧朶顏福餘三衛

馬 駝

海西女直

馬 貂鼠皮 舍利孫皮 海青

兔鶻 黃膺 阿膠 殊角

哈密

馬 駝 玉 速來蠻石

青金石 把咱石 鐵器 諸禽皮等物

烏思藏

畫佛 銅佛 銅塔 舍利 各色足力麻

各色鐵力麻 各色氍毹 珊瑚

犀角 左髻 毛纓 蘆油 明盔

明甲 刀劍

長河西魚通寧縣等處

各色足力麻 各色氍毹 各色鐵力麻

珊瑚 舍利 犀角 左髻 明盔

畫佛 毛纓

朶甘思

各色足力麻

各色氍毹

明盔

長刀 左髻

各色鐵力麻

董卜韓胡

各色氍毹

各色足力麻

遮甲麻衣

珊瑚

各色鐵力麻

明盔

鐵甲

白毛纓

黑毛纓

黃右髻

紅毛纓

四川威州保縣金川寺番僧雜谷安撫司達蠻長

官司及松番茂州等處 陝西洮岷等處番僧洮

岷等處番族

馬

銅佛

舍利子

酥油

青鹽

畫佛

足力麻

鐵力麻

氍毹

左髻

青木香

明盔

明甲

腰刀

歷年事例

成祖永樂甲午秋九月榜葛刺國以麒麟來獻 明年

秋九月麻林又獻麒麟行在禮部尚書呂震請至日

率群臣上表稱賀不許時祭酒胡儼作麒麟賦奏之

宣宗宣德八年閏八月西南海外諸番國或戎王或子

弟或大酋各泛海數千萬里而來朝及貢麒麟獅象

珠玉珍貝奇異之品麒麟凡四而出非一所 甲寅

冬甘肅以龍獻

憲宗成化戊戌西夷扣嘉峪關來獻獅子御史徐綱按

甘肅令守關者勿納疏上不從 辛丑西域以二獅

子進遣中官往迎之先是西域撒馬兒罕既至嘉峪

關遣人入奏乞賜大臣迎接職方郎中陸容禮書周

洪謨俱言不可遣大臣事遂寢而遣中官迎焉按獅狀如

黃狗頭大尾長各有鬚每獅日食活羊一羶醋酣蜜
酪各一瓶養獅人俱授以光祿給酒飯費亦浩大黃
氏瑜曰獅本非瑞應日食
牛羊百夫扛送大為民害

孝宗弘治中倪岳上疏請絕阿黑麻王所貢獅子其畧

曰撒馬兒罕所進獅子乃夷狄之野獸非中國所宜

蓄留之於內既非殿庭之美觀置之於外亦非軍伍之

可用日逐喂飼之費及賜銀幣俱以府帑之財帛百

姓之供億以彼無用之物易此有用之財切為朝廷

惜之 皇上踐祚之初首頒明詔禁止各處鎮守等

官進貢騷擾之弊既而放禽鳥縱鷹犬旬日之間屏

逐無遺元年因迺西夷人進貢玉石等物却令帶回

又因雲南鎮守太監王舉欲進寶石物嚴申禁絕善

政善教遠近稱頌以為聖德恭儉蓋與成湯之不殖
貨利同符而一致今未及三年又欲納此無益之物
不為聖德之累乎且令其習知海道啟意外之虞况
各處地方水旱相仍人民窮困却乃疲中國以供遠
夷臣等愚見深為未便伏望皇上念生民財力之艱
難察夷人詭冒之奸計斷自宸衷阻回其使盡却所
貢則遠方夷醜盡知明天子之所為非彼之所能測
也

世宗嘉靖三年夏四月魯迷王貢獅子西牛西犬西馬

及阿骨刺馬駝珊瑚珠玉巡撫陳九疇以聞科臣鄭
一鵬奏乾明諸所禽獸尚多仰給大官日費豆秣而
魯迷所獻皆非土性受之奚益乞就彼犒遣以光聖
德以杜窺伺後禮官竟更上受之 八年滿速兒遣
人貢獅子願歸哈密城及諸夷使所掠人口以求牙
木蘭夏言疏各夷朝貢有常期夷使有定數今土魯
番投檄幾二百人以索牙木蘭為詞要賞不貲宜勅
都御史趙載查酌定數勿貪納款之虛名失禦夷之
上策上允之 十九年雜谷安撫司刺麻僧都綱定

日藏等十五人僧衆一千五百人貢珊瑚氍毹初制
羗戎入貢必由嘉峪關是年由四川入而都司為送
至京上曰各僧姑賚遣還所司送不以制其覆以聞
二十六年總督宣大翁萬達言俺荅求入貢巡按
黃如桂言虜自火篩作梗貢禮久廢辛丑歲石天爵
駕言入貢迄為邊患方欲殲虜雪憤豈可墮其許中
乞嚴勅防守毋為所欺上允之 是年延綏守禦李
鉞計殺貢夷遇伏發覆敗事聞收訊論死 二十八
年八月虜酋俺荅狼台吉入大同仇鸞賂令他往遂

東從朶顏三衛入寇薊州攻古北口掠密雲昌平至
東直門執御廐內臣八人令致書求入貢京師大震
上詔嚴嵩徐階李本入便殿示以虜書會廷臣集議
群臣相顧莫敢發司業趙貞吉抗言貢決不可許宜
立募格獲一虜首予百金捐十萬金虜且立盡嵩請
即擢貞吉兼御史齎萬金往募虜由鞏華城犯諸陵
掠西山 上疑本兵丁汝夔勤王揚守謙貳于虜棄
西市貞吉謫荔浦典史虜將金帛人畜北去京師解
嚴 甲子春正月回回國以獅子進御馬監太監高

忠奏撥軍士十名校尉二十名喂養番守 陝西博
 峪等族番人姚革等進貢方物給賞如例 貴州宣
 慰使司土舍安國亨遣人貢馬如例給賞之半 海
 西者刺等衛女直夷人都督阿失卜等來朝貢馬宴
 賚如例 海西脫木河衛女直夷人那台失等來朝
 貢馬宴賚如例 朝鮮屢遣陪臣鄭惟吉等進方物
 賜宴并金織衣綵段絹布有差 海西忽里等衛女
 直夷人哈兒哈麻等來朝貢馬宴賚如例 湖廣保
 靖宣慰司土官彭養正遣人貢馬賞幣鈔如例 琉

球國中山王尚元遣使貢方物及馬宴賚如例 泰
 寧等衛夷人吳兒族等貢馬宴賚如例 貴州青山
 等十二長官司通把蔡志祿等來朝貢馬給賞如例
 四川酉陽宣撫貴州凱里安撫司各遣朝貢進馬
 賞賚如例
 萬曆元年俺荅黃台吉嗣王更名乞慶哈扯力克
 嗣封龍虎將軍
 貢物

雕翎箭 馬 鍍金鞍轡 撒袋 達弓

二年貴州宣慰司土舍安國亨播州宣慰司使楊烈
俱遣土目來朝貢馬宴賚如例 四川越雋等衛長
官司遣土目李春等來朝貢馬宴賚如例 朝鮮國
署國事李昫遣陪臣柳景深貢馬及方物 四川烏
撒軍民府土舍安承祖貴州宣慰司土舍宋一清廣
西南丹等土目族莫懷等貢馬宴賚如例 西番魯
班等七寺刺麻番僧劄石嶺占等貢馬及方物宴賚
如例 泰寧等衛都督只兒族等遣頭目升合兒等
貢馬宴賚如例 廣西太平等府四川平夷長官司

土舍王良等湖廣保靜司通把田仕等各來朝貢馬
宴賚有差 朶顏等衛夷人伯彥帖木兒泰寧等衛
夷人沙蠻等俱貢馬宴賚如例 陝西崇隆等六寺
刺麻番僧共卜尖咎等進馬及方物宴賚如例 四
川烏蒙府土官阿琦天全招討使司土舍高玉等廣
西太平府頭目黃猛龍英州官族趙福等各貢馬宴
賚如例 四川疊溪鬱即二長官司遣人貢馬賞賚
如例 廣西泗城州土官岑紹勲遣人入貢方物賞
賚如例 貴州小平伐長官司木瓜麻響大華三長

官司羅番金石二長官司洪番盧番二長官司金筑
安撫司四川沐川長官司各遣人來朝進馬賞賚如
例 陝西鷄子坪等族番人盛列等貢馬及方物賞
賚如例 廣西田州土官岑大祿遣人來朝貢馬賞
賚如例 廣西田州歸順州四川石柱安撫司各遣
人貢馬賞賚如例 雲南麗江軍民府土官木高遣
人貢馬及方物賞賚如例 四年都統使莫茂洽遣
使慶賀并補貢二次 漢東左衛都督阿東把力等
入貢宴賞如例 建州左衛女直都督王忽等入貢

宴賞如例 茂州衛韓胡碉合列寺都綱頭目納完
等入貢宴賚如例 濟衛扯把寺禪師刺麻番僧鎖
南咎堅等法藏等寺番僧相竹領占等魯班等寺僧
星吉劉等車祿等族番人劉節等各入貢方物宴賞
如例 五年陝西魯班等寺四川韓胡碉恰列寺番
僧星吉劉等入貢方物宴賞如例 貴州宣慰司土
舍安國亨程番等長官司凱里安撫司四川鎮雄府
烏撒軍民府寧戎巡檢司平夷等長官司酉陽宣撫
司廣那地等州各遣人來朝貢馬各給賞如例 四

川疊溪等長官司石砭宣撫司遣通把事郭成等來朝貢馬以過期給半賞 廣西龍英 州陀陵縣四川天全六番招討司邛部長官司各遣官族趙忠信通托高登來朝貢馬給賞如例 陝西崇寧等六寺刺麻番僧六卜尖咎等三十人進貢方物賞賚如例 廣西都康等州土官遣頭目農容等來朝貢馬給賞如例 海西者刺等衛女直都督阿失卜等來朝貢馬宴賚如例 虜酋順義王俺答并昆都力哈等貢馬五百九匹遣夷使捨布崵羅等貢上馬三十匹

銀鞍一副禮部請遣官祭告郊廟社稷仍請 皇上御殿宣表受百官賀以彰聖朝盛事許之 海西右傍其劄等衛女直都指揮等官乃哈等來朝貢馬宴賚如例 西咬郎兀等衛女直夷人都指揮大漢等來朝貢馬宴賚如例 建州左等衛女直夷人都督勝力等來朝貢馬給賞如例 陝西多杓等十七族番人板官等進貢方物馬四匹給賞如例 套虜吉能等差夷使貢上馬二十匹餘馬一百八十匹賞彩幣有差 建州左等衛都督等官安台失等來朝貢

馬賚賞如例 土魯番王馬黑麻差夷使邠刺納阿
必卜刺等貢方物馬匹宴賚如例 琉球國中山王
尚元遣貢馬及方物宴賚如例 朝鮮國王李昞遣
陪臣金陵原等進馬及方物 泰寧等衛夷人頭目
升合兒等俱賜宴賚 六年題准各夷來京應賞人
數凡折衣折段銀兩行工部俱給以見貯銀兩不必
轉行該省其支查勘合及在邊各半賞人數銀兩禮
部先咨巡撫衙門轉行布政司仍另給夷人為照待
到日將夷人領去勘合與禮部先發咨文對同方准

夫給其存留在邊全賞人數銀兩禮部驗封明白亦
咨巡撫衙門與夷人所執公文查考相同給發仍將
各項銀段及食茶數目行都督府填入過關勘合以
便互校差去通事官令守取巡撫回咨備開散過齋
去存留銀段若干支過茶食及半賞銀兩若干以免
誑騙沉匿等弊如咨內數目不合及無回咨將通事
從重叅問 時又題准貢夷病故在中途者例不給
賞其各鎮清查病故夷人賞物留充下年給賞之數
時陝西亦轄等族番人木竹等各貢馬及方物賞賚

如例 廣西土官岑紹勲遣人入貢方物宴賚如例
陝西各鎮等族番人曾已等貢馬及方物賞賚如
例 四川烏思藏朶甘思宣慰使司番僧刺麻濕等
入貢方物賞賚如例 九年都統使莫茂洽遣使復
來貢亦補二次貢道由廣西憑祥州 是年題准朝
鮮琉球暹羅安南差來使臣噶程除 欽賜及常例
日支外每三人五日加給鶩一隻雞二隻酒四瓶米
一斗菓子五斤隨從人等不加給
十九年禮部主事張我績上疏奏屬夷進貢之規以

為諸夷之種曰朶顏曰大寧曰福餘每歲入貢者以
六百人計曰海西曰女直每歲入貢以千人計無亦
名脩貢而實規利也到館而索當房館夫之銀起程
而索車戶馬頭靴布所過州縣驛遞挾索多端有司
不敢治伴送不敢拂東京一帶一聞夷屬將至其邑
不啻大虜之入寇夫北虜來貢俱聽宣大總督代進
其賞賜亦轉發幕府給之此隆慶中事也今之朶顏
大寧福餘三衛海西女直三種獨不可做而行之耶
伏乞大破拘攣循北虜事例如其不然亦宜照西番

事例減其人數在彼之賞賚未嘗少漸新而在我之
關隘不使其慣習虛寔不令其窺竊沿途驛遞不致
於摧殘州縣居民庶免其驚擾其于内外夷之防未
必無補而久安長治之策或亦在是矣

三十年閏二月兵部奏套虜悔禍乞盟真心內附等
事復總督李汶等題奉 旨套虜既真心內附該總
督及延寧二鎮新舊巡撫等官定議悉稱可許不必
再行會議准與開復市賞革過的不許補給以後兩
鎮官務力持定額毋得聽其分外請討私輒增加仍

遵前 旨一年恭順准一年市賞有犯即革切勿輕
聽討服苟且開釁其餘俱依擬著定行違者從重叅
治還著該鎮擬後長策來

朝貢土官

萬曆初年

四川

烏蒙軍民府

烏撒軍民府

蠻夷長官司

靜州長官司

播州宣慰司

平夷長官司

兵希蓬長官

石砫宣撫司

泥溪長官司

祁命簇長官司

隴木頭長官司

蠟匝簇長官司

酉陽宣撫司

麥匝簇長官司

者多簇長官司

鎮雄府

勒都簇長官司

九姓長官司

沐川長官司

阿角簇安撫司

寧戎巡檢司

太平長官司

永寧宣撫司

北定簇長官司

天全六番招討司

寒水巡檢司

阿昔洞簇長官司

疊溪鬱即長官司

長寧縣下寧遠鄉萬里箐寨

思曩兒簇長官司

貴州

金筑安撫司

貴州宣慰司

程番長官司

木瓜長官司

方番長官司

廬山長官司

以上舊隸四川

清方衛凱里安撫司

養龍抵塞乖西水東西長官司

白納小平伐二長官司

青山中曹龍里劄佐四長官司

都勻府歸化上下二牌頭

卧龍小龍大龍韋番四長官司

盧番洪番金石三長官司

羅番上馬小程三長官司

平伐麻嚮貴竹三長官司

廣西

龍英州 江州 龍州 思明府 陀陵縣

上下凍州 思陵州 萬承州 安平州

太平州 羅陽縣 思城州 茗盈州 南丹州

思同州 東蘭州 那地州 全茗州 鎮安州

泗城州 奉議州 果化州 歸德州 向武州

歸順州 憑祥州 都康州 田州

雲南

麗江府

湖廣

永順宣撫司

保靜宣慰司

桑植安撫司

添平千戶所

凡土官差人到京鴻臚寺即與引見并投進實封奏本其方物赴禮部驗進 嘉靖元年議准聖節止許各宣慰宣撫安撫官具方物差人赴京其餘佐貳官以下及把事頭目護印舍人止許朝覲年入貢每司量起的當通把三二人齊執方物多者給與本冊咨批少者給與咨批各給關文應付馬匹就彼變賣銀兩貯庫降香黃蠟茶葉等物要寔重五十五斤為一扛

每扛賞潤生絹二疋照扛遞加其不由本布政司起送或斤重不足差人過多不得朝覲之年擅自起貢禮部不與進收責諭責遣回賞賜應付通行停止二年議准前數項及過限一月俱屬違例止減半給賞若違例多端者不賞 七年議准湖廣土官襲受宣慰宣撫安撫職事者差人慶賀每司不許過三人其三年朝覲每司止許二人大約各司共不過百人起送到京者不過二十人餘俱存留本布政司聽賞所司辨驗方物造冊給批差官伴押到京禮部驗

批相同庶方與賞賜應付

貢物

馬 象 犀角 象鞍 象脚盤

蚶蛇膽 玉石 圍帳 金銀酒器

金絨索 降香 青紅寶石 花藤蓆

黃蠟 各色絨綿 檳榔 各色布手巾

朝貢通例

計有勘合國分

暹羅 日本 占城 瓜哇 滿刺加

真蠟 蘇祿國東王 蘇祿國西王

淳泥 錫蘭山 古里 蘇門答刺

古麻刺

凡信符金牌永樂二年始置以給雲南徼外土官其制銅鑄五面內陰文者一上有文行忠信四字與四面陽文者合編某字一號至一百號批文勘合底簿其字號如車里以車字為號緬甸以緬字為號陰文信符勘合俱付土官底簿付雲南布政司其陽信符四面及批文一百道藏之內府凡朝廷遣使則齎陽文

信符及批文各一至布政司比同底簿方遣人送使者以往土官比同陰文信符及勘合即如勅奉行信符之發初以文字號二次以行字號次忠次信周而復始又置紅牌鏤金字勅書諭之凡有調發及當辦諸事須憑信符乃行如越次及比字號不同或有信符而無批文有批文而無信符者即是詐偽許擒拿赴京治以死罪又編勘合一百道付各衙門勘合底簿一扇付布政司凡有軍民疾苦及奉信符辦過事務進貢方物之類俱於勘合內填寫遣人齎至布

政司比號寫底簿布政司都司遣官同齎所填勘合奏聞若邊境聲息及土人詞訟從都司布政司按察司官會同計議行之其事已行及承行原由並填寫勘合奏聞如總兵官鎮守遇有前事總兵官亦會同三司計議仍用都司或布政司印信文書寫總兵官處分之語方許奉行亦填寫勘合具奏若朝廷命總兵官掛將軍印征討調遣軍馬不待三司文移即時發遣亦填勘合差人奏聞填寫勘合或字畫錯誤明白圈註以本司印信鈐蓋凡所收底簿及勘合用之

續文獻通考
將盡具奏再頒遇改元則更造換給舊簿勘合隨貢
繳部貯庫或總兵官都司布政司等官新除到任及
遇時節不許齋禮物相慶仍以紙寫禁約一道付之
或有貪婪無籍凌害者不待填寫勘合止具本遣人
齋勅不經總兵官及三司徑赴京陳奏治以重罪
計有勅符勘合土官衙門

車里木邦緬甸麓川平緬八百大甸老撾六宣慰司
干崖大侯里馬茶馬四長官司 潞江安撫司
孟艮孟定灣甸鎮康等府 其後又有孟養等宣慰

司威遠等州亦給勘合

番夷 誥勅

初哈密等七衛俱有如朶顏海西諸衛例後乃沒於
土魯番而烏思藏長河西等處闡教闡化輔教贊善
護教五王大乘大寶二法王各處國師俱誥命禪師
勅命都綱刺麻都指揮指揮等俱勅諭其闡教闡化
輔教贊善仍給勘合燬於火累年請給未與二法王
及長河西朶甘思董卜韓胡俱不給勘合其金川雜
谷等處止齋印信番文亦無勘合 嘉靖二十八年

續文獻通考
題准各處番僧到京襲職進貢禮部置立文簿一扇
將各僧齋到舊給誥勅所載師僧職名頒給年月及
見今襲替僧徒名字住坐地方分別已未領有新誥
新勅逐一登記備行布政司照式置造以後如遇應
貢年分將文冊查對如係年代久遠果有退老病故
情節年許照例起送承襲其有已襲而未領新誥勅
者照已賞未襲職例許起送一二人如有捏作入番
化夷在番病故者不許濫放如違聽本部通將三司
等官叅究治罪各番應領誥勅新者既給與舊者即

令銷繳其所給誥勅俱要開載住坐地方如隨護教
王進貢襲職者即稱係護教王地方住坐某師某名
其餘地方准此

計有 誥勅夷人番僧

朶顏衛 福餘衛 秦寧衛 海西女直 建州女
直 烏思藏 長河西等處

凡夷人入關嘉靖十二年令邊方一應該管官員務要
盤驗明白方許放進若勅書內有洗改詐偽字樣即
便省諭阻回不許一概朦朧驗放

凡夷人番本嘉靖二十六年題准該邊官審明封進若於理法不通即省諭退還不必續奏到京後如有番本不係邊官封奏者不與准理

凡夷使往回嘉靖二十六年令經該巡撫衙門給與印信文簿事畢回還者禮部給與印信文簿令所過驛遞將夷使名數并應付馬驢車輛廩給口糧各數目初到及起身各日時逐一登記就用本驛遞條記鈐蓋仍付伴送人員齎往前路驛遞一體填寫事完之日伴送人員將前簿在內送本部在邊送巡撫衙門

稽考禮部仍咨各該巡撫凡伴送夷人務選平昔畏法諳熟夷情者差遣不得濫委擾害地方

凡譯待夷使成化間題准迤北小王子來貢禮部差該司官一員前往大同會同鎮巡等官將差來使臣逐一譯審分豁使臣若干隨來男婦若干赴京若干存留若干使臣自進并帶進某頭目下馬騾方物皮張數目俱要辨到毛齒等第編成字號填寫勘合用印鈐蓋給付各使臣收照仍著落山西行都司備造黃冊奏繳青冊先行送部以憑給賞其在彼茶飯并沿

途供應及榆河驛湯飯一聽本官提督

凡貢夷限制成化十九年題准烏思藏長河西朶甘思等處國師禪師在本地方住坐者與各寺寨輪流進貢輾滿每年百人之數不許各另差人如有退老事故許令嫡親兒因襲職赴京進貢國師起送一百人禪師都指揮五十人已賞未襲者再來襲職止許一人其都綱指揮以下來襲者止本身隨同年例貢使赴京二十一年奏准各處招撫生番進貢行本處鎮巡等官止許寨首一人前來如五寨五中人十

寨十人不許過多 嘉靖二十六年題准撒馬兒罕并土魯番天方國魯迷額即乩等朝貢查照舊例每十人起送二人扣該起送赴京五十其存留甘肅聽賞者除舊二百名外量增一百名各該給口糧照應貢人數減半給賞餘阻回自進并帶進馬匹合例者聽候領賞其該退還而先已給軍給驛者量給價銀今後所進方物該邊官看驗果係堪中物件方與收載冊內除正例外多餘退還各夷聽其貨賣預先省諭各夷不許將退還之物仍帶來京捏稱自進加進

名色奉擾希賞 二十八年題准都綱刺麻指揮人等亦准帶二十五人 隆慶三年議准國師禪師都指揮等襲職差人總五在年例數內不許另外增加襲職之後亦不許假以謝恩差人另貢方物各地方遇番僧進貢務將各番所齋原給誥勅勘合及印信番本逐一查驗明白果無冒偽影射情弊方許具本起送各番地方遠近不齊貢期不必拘以三年但未及三年不許來貢不願者不强 凡諸番貢不如期及年例外多貢者叅作下次例貢之數

凡夷使病故如係陪臣未到京者本部題請翰林院撰祭文所在布政司備祭品遣本司堂上官致祭仍置地營奠立石封識到京病故者行順天府給棺祠祭司諭祭兵部應付車輛人夫各該賞衣服綵段俱付同使臣領回頒給 嘉靖八年題准在館未能領賞病故者行順天府轉行宛大二縣預解無碍官銀三十兩發館每名給與棺木銀五錢支盡之日造冊繳部再行取用領賞以後病故者聽其自行墓埋凡投降夷人到館譯審明白兵部題請到部關給來降賞

賜畢日著去該都督府差委官舍伴送兩廣軍門轉發
缺少達目衛分安插仍給房屋牀榻配與妻室查照
舊例養贍

凡朝鮮國漂流夷人至會同館即行該通事序班譯審
明白日給薪米養贍兵部委官伴送沿途應付至遼
東鎮巡衙門另差人員轉送歸國通行國王知會如
該國使臣在館即令帶回一體給賞施行 凡差官
伴送嘉靖二十七年題准兵部立與批限候回京之
日查違限久近一年之外武官調衛文官罷職不叙沿

途生事殘害居民者許所在官司開申撫按轉達本部
叅送問罪

凡交通禁令各處夷人朝貢領賞之後許於會同館開
市三日或五日惟朝鮮琉球不拘期限俱主客司出
給告示於館門首張掛禁戢叔買史書及玄黃紫皂
大花西番連段疋并一應違禁器物各舖行人等將
物入館兩平交易染作布絹等項立限交還如賒買
及故意拖延騙勒夷人久候不得起程并私相交易
者問罪仍于館前枷號一月若各夷誘潛入人家交易

者私貨入官未給賞量為遞減通行守邊官員不許
將曾經違犯夷人起送赴京 凡會同館內外四隣
軍民人等代替夷人收買違禁貨物者問罪枷號一
月發邊衛充軍 嘉靖三年奏准夷人貢船未曾報
官盤驗先行接買番貨者比照私自下海收買番貨
至十斤以上事例邊衛充軍其交結夷人誑騙啟釁
教誘為亂者比照川廣雲貴陝西等處事例邊衛永
遠充軍一應代替夷人收買違禁貨物者比照會同
館內外軍民事例發遣包攬打造違式海船賣與夷
人圖利者比照私賣應禁軍器事例處斬 二十六
年題准西域各地面退回還貨物其在邊開市之處
差委的當官員嚴行監察不得與漢人交通別生事
端 隆慶三年議准西番烏思藏等處若有近邊奸
民出外勾引希圖冒賞者聽撫按等衙門訪拿治以
交通外夷重罪

凡貢回定限萬曆七年議准分為三等朝鮮國朶顏等
衛女直限一個月零十日安南琉球暹羅各國陝西
大宗教大能仁崇隆慧濟扯巴等寺岷洮及莊浪等

處四川金川寺加渴瓦寺長河西雜谷長寧達思蠻
等處各番僧番族限一個月零二十日四川烏思藏
番王董卜韓胡番僧寨官人等陝西贊善王弘化淨
寧等寺番僧土魯番天方國魯迷哈密等夷罕東等
衛限兩個月

各國通事

洪武永樂以來設立御前答應大通寺有都督都指
揮指揮等官統屬一十八處小通事總理來貢四夷
并來降夷人及走回人口凡有一應夷人譯審奏聞

嘉靖初革去大通事其小通事悉屬提督官凡在館
鈐束夷人入朝引領回還伴送皆通事專職 凡通
事額員成化五年奏定小通事額數總不過六十名
遇有病故及為事等項革去職役者照缺選補若事
繁去處丁憂有過三名者量補一名計四夷一十八
處額設通事六十員名

朝鮮國五員名 日本國四員名 琉球國二員名

安南國二員名 真蠟國一員名 成化二十年添一
名後以空閒俱不

補暹羅國三員名 占城國三員名 瓜哇國二員

名 蘓門答剌國一員名 達達七員名 成化十九年添一名

回回國七員名 前同 女直七員名 前同

畏兀兒二員名 西番五員名 成化十九年添一名

河西一員名 成化十九年添一名

緬甸一員名 雲南百夷等處六員名

世宗嘉靖元年奏准通事丁憂緣事未結俱不作缺其

有見缺十人以上及一國全缺者照舊行各邊鎮巡

官訪保精通夷語身家無過人物齊整字畫端楷語

音洪亮者每缺起送一人補 十七年奏准在館通

事序班辨歷勤謹夷語精熟者該寺具奏量加俸秩

如有恣肆曠廢唆誘夷人為非受賄作弊抗違該司

提督官者俱聽禮部指名叅究 二十五年題准禮

部會同吏部通將在館通事序班人員通行考試分

為三等題請一等照舊在館供事二等量加罰治姑

容習學三等黜退為民其未經授職通事人等本部

仍各選委年深通事序班題請照舊教習每日書寫

番漢字語一張每月朔望責令該管序班考校月終

提督主事考校季終本部通將各館官員通事人等

經文廣通考
參錯出題嚴加考校如一年三次考居三等通事人
食糧官帶授職等項仍各案候俱以三六九年為期
通將各館官員人等一併嚴加隔別考試其夷語通
曉者許照例遷轉留用不通者徑自黜退為民不許
照常扣日挨資求進 十九年議准通事見缺訪保
送部收考轉送該寺教習者俱不得過正額之半若
本國正額止一名者許收候缺一名凡遇候缺既盡
正額有缺許鴻臚寺呈部奏請訪保照例考滿不必
拘見缺十人及一國全缺之例 二十六年奏准通

事官生三六九年考滿該鴻臚寺起送到部查無違
碍仍舊取官對考如果夷語精通准令給由若夷語
欠熟發回習學候三個月再考又不稱者徑自黜退
為民 二十八年題准各館中掄選年深通事曉夷
語者一人立為教師不分有無夷人每日黎明時進
館督率各該通事人等演說夷語中有未能盡曉者
遇有該邊原來伴送通事許令教師詢訪務求通曉
音字如三年之中教習有效候類考之時具名奏請
擢用本部仍收卯簿一扇行令提督主事每五日令

各館生畫卯如有不到者明書于各名_下每月朔望
教師引領生徒將所習音字抽試數字夷語演說一
通遍季官將提督官將外簿封呈本部以憑季考兼
論其勤怠歲終備開考語封呈本部以待三年通考
其廉污季考及三年通考之時必合字與音相兼考
校二十九年題准通事遇有各館正額名缺將候
缺通事查係類考居一等方與照依到館名次挨補
其考居二等及季考雖居一等者不許概稱到館在
先援比求進二十九年題准通事分撥各館之後

不許夤緣告改別館或違者本部叅究 又題准苗
僧貢回差通事序班給批定限送至四川巡撫衙門
交割止許在省守候批文不許跟同前去 三十年
題准通事今後有患病至一年給假回限至六個月
托病不考至三次及不赴畫卯至三個月者官聽本
部叅革冠帶通事以下聽本部徑自查革 三十三
年題准暹羅國使臣告稱驛遞刁難差通事序班給
批定限送至福建布政司交割 三十八年題准通
事故縱夷人詐害驛遞改行兵部差指揮等官伴送

萬曆元年北虜互市增至四百五十三名二年增至五百五十七名題准行該鎮督府量加節制又奏准通事序班官給由或遇公差或發習學補考或候對官考每遇季終不拘人數多寡禮部查明類考咨送吏部其緣前各項不能盡如俸滿之期者須明註咨內又議准各館通伴員役指稱引領交易代替使用名色科歛貢夷財物者禮部悉心體訪責令提督主事不時呈報輕則徑自處治重則具奏論罪又題准兵部差官不諳夷語致各夷沿途生事益甚許所在官司申呈叅革

續文獻通考卷之三十三終

續文獻通考卷之三十四

國用考 宋遼金

宋

宋高宗三十一年戶部侍郎劉岑等乞借江浙荆湖等處路場淨利錢一界計錢三百八十萬緡以備軍賞限半月足許之

按宋史國朝混一之初天下歲入緡錢千六百餘萬太宗以為極盛兩倍于唐室矣其後日增歲廣至熙豐間合苗役市易等錢所入乃至五千萬緡此祖宗

續文獻通考卷之三十三終

續文獻通考卷之三十四

國用考 宋遼金

宋

宋高宗三十一年戶部侍郎劉岑等乞借江浙荆湖等處路場淨利錢一界計錢三百八十萬緡以備軍賞限半月足許之

按宋史國朝混一之初天下歲入緡錢千六百餘萬太宗以為極盛兩倍于唐室矣其後日增歲廣至熙豐間合苗役市易等錢所入乃至五千萬緡此祖宗

正賦也呂頤浩在戶部始創經制錢六百六十餘萬緡孟庾為執政又增總制錢七百八十餘萬緡朱勝非當國又增月椿錢四百餘萬緡紹興末年合茶鹽酒算坑冶權貨糴本和買之入凡六千餘萬緡而半歸內藏昔時中都吏祿兵廩之費全歲不過百五十萬緡元豐間月支三十六萬宣和崇侈然後支百二萬渡江之初連年用兵月支猶不過八十萬其後休兵寢久用度滋益戶部嘗患無餘及軍興遂復有此請

三十二年川陝宣諭使虞允文總領四川財賦王之望自利州往會之先是之望數以軍興費廣為言朝廷令勸民戶獻納之望因是親至梁洋諭豪民使之輸財焉 殿中侍御史吳芾言大農之財一歲所入幾五千萬而內藏給賞不與焉會其多寡比景德全盛時十增其四地不足而賦加多則取于民者已盡不可以復求矣惟當痛節浮費蓋今天下之兵內外何啻三十萬大農每歲養兵之費幾十之九若更加募何以贍之今欲兵之足莫如核實不得令虛張人

續文獻通考
數揀其銳驍汰其疲弱使人皆可用則官無費財是一舉而兩得之也 禮部侍郎黃中言足食之計在于量入為出今天下財賦半入內帑有司莫能計其盈虛請悉以歸左藏上善之

孝宗隆興元年詔昨議臣寮權借職田添助國用深慮吏無圭租何以養廉前降指揮更不施行 二年初給度牒二萬道付諸路出鬻每道收錢三百貫侍御史周操言今來正是起催折帛夏稅之時若添此一項愈見緊急乞量降五千有旨先次給降^萬一道候均

賣盡日別取指揮上謂輔臣曰聞臨安所科已自紛擾不如且已之 十月詔內藏庫支借銀一千萬兩付戶部支遣日後令本部撥還 乾道二年左司諫陳良祐奏今之言利者多要生財生財乃所以病民國用愈見不足願取見一歲賦入之數其取于民者已過則從而蠲免之以寬民力取見所養官吏與兵之數其可省者從而省之常令財用十分以七分養兵與官吏三分以備非常如此則上下兼足上曰朕常有志放免和買及折帛等錢以寬民力但如今未

暇良祐奏舊來本無此等錢皆是軍興時科取講和
之後依舊不除今取于民者竭矣若節制國用令出
入有度稍省蓄儲即可行陛下之志矣上曰因卿之
言當定經制 三年上降出御筆云自後宮禁內人
并百官將校軍司人每月初五日國用房開具前月
支過已上五項請給數目并雜泛支用造冊進呈便
從此月為始外諸路軍馬可降式樣付諸路總領逐
月開具自此遂為定式 時上謂輔臣曰蔣叅政理
會財用已尋見根源初蔣希奏云方今費財最甚者

無如養兵近見陳敏減汰二千人戚方減汰四千人
夫汰兵固良法然今日之弊多是有官人與之外任
依舊請券錢又添供給雖減之內于添之于外亦未見
其益既減六千人必又招六千人填額則是添六千人
耗蠹財用矣契勘在內諸軍每月逃亡常事故不下四
百人若權住招一年半內可省三百八十萬貫俟財
稍足可遂招收強壯訓練而用之不惟省費又可精
兵精因奏紹興以來初分五軍并內外諸軍分合添
減之數上以為然故以此宣諭 四年度支趙不敵

言方今一歲內外支用之數大概五千五百萬緡有
奇又以一歲所入計之若使諸路供億以時別無蠲
減拖欠場務入納無虧則足以支一歲之用不闕然
賦入之科名猥多分隸于戶部之五司如僧道免丁
常平免役坊場酒課之類則左右曹掌之如上供折
帛經總無額茶鹽香礬之類金部掌之度支則督月
椿倉部則專糴本催理雖散于五司悉經于度支籍
之即古人量入為出之義則度支一司安可以不周
知所入之數也臣因置為都籍會稽窠名總為揭帖

事雖方行簿書草具而條目詳備固已粲然易考欲
望付之本曹自茲為始歲一易之庶幾有司得以久
遠遵行不惟財賦易以稽攷抑使胥吏無以容奸從
之 是歲湖廣總司申江鄂襄三處軍馬歲約用九
百八萬四千餘貫 五年起居郎林機論諸處有羨
餘之獻皆移東易西以求恩倖上曰今之財賦豈得
有餘今後若有獻朕當却之 七年上曰戶部所借
南庫四百萬緡屢以諭曾懷不知有甚指準撥還虞
允文奏不過指準折帛耳梁克家奏今左帑無兩月

之儲大段急闕不可支吾虞允文奏有兩事其一給
典帖其二賣紙鈔上曰此兩事既病民且傷國體俱
不可行更令別議以聞 四川總領所奏昨緣本路
措置備邊椿積遂申朝廷乞降空名度牒仍拘四川
事故僧道度牒繳納訖欲乞將已賣過四千五百道
作第一料所有去年十二月內已降二千道今更乞
貼降二千五百道湊作第二料下本所出賣拘收價
錢搬赴宣撫司專充備邊椿積非遇緩急分文不敢
支用從之 八年詔官田除兩淮京西路不行出賣

應諸路沒官田產屋宇并營田並措置出賣以戶部
曹郎官主之諸路委常平司其錢赴左藏南庫令置
庫眼椿管 淳熙六年提領封椿庫閻蒼舒奏狀封
椿庫共管見錢五百二十萬餘貫年深有斷爛之數
乞拘收西庫綱運見錢對兌支遣其斷爛錢貫給工
索之費上曰錢積之久必致貫朽趙雄等奏陛下儉
德冠古帝王未嘗一毫妄取于民而府庫充足上曰
朕不敢毫髮妄用所以有此以待緩急之用實前此
所無 十年宰執奏封椿庫見管錢物已及三千餘

萬緡上曰朕創此庫以備緩急之用未嘗敢私也

先是上以諸路財賦浩繁令兩侍郎分路管認是年王佐為尚書又請于次年四月將諸路監司守倅所起上供錢比較以定賞罰自是罕有拖欠十三年淮東總所具到鎮江所部大軍庫見錢會子內依去年例取撥一千萬貫付封樁庫收納淮西總所具到池州大軍庫見銀錢會子五十萬四千五百貫有奇詔令于池州酒息會子內取撥二萬貫該本州總數樁管湖廣總所具到襄陽府大軍庫見錢會子二

十一萬九千九百二十一貫有奇詔于內取撥會子一萬貫就本府認數樁管非朝旨不得擅行支使

光宗紹熙二年詔脩紹熙會計錄先是秘書郎鄭湜轉對為言上言今黃老三宮衛卒動以百數外戚家廟防護之兵多于太廟額外將校之俸錢半於正額外庭百執之費不足當閣門醫執職近侍之半請明詔大臣裁定經費上自乘輿下至庶府除奉宗廟事兩宮給兵費之外一切量事裁酌罷其不急損其太過戶部亦請稽攷內外財賦置紹熙會計俟見大概之

續文獻通考
後命戶部宰屬同共詳議而一二大公心叶意為之斟酌以其所減損以與民因命戶部尚書葉翥等同為之後亦未聞有所捐也 三年四川經理總制錢額四百五十餘萬緡其一百三十餘萬緡贍軍一百三十四萬緡應副湖廣總領所一百六十九萬緡上供餘六萬緡諸郡支用上即位因劉光祖之請捐湖廣三年錢四百六萬八千緡對減課酒重額錢即此四川經理總制錢也然四路憲司歲撥湖廣錢實止六十萬緡而已又以買發物價計之折閱中半僅為

三十萬緡是歲楊輔總蜀計又樽節三十萬緡以益之 寧宗時駕部員外李鳴復奏日記曰國無九年之蓄曰不足無六年之蓄曰急無三年之蓄曰國非其國也陛下試思之為國其有九年之蓄乎其無九年之蓄乎今日之國計版曹實司之分版曹之責任者內則司農外則四總領是也臣家于蜀嘗究觀蜀之總計矣蜀賦總入之數以緡錢計之歲約二千二百餘萬向也和議未絕烟塵不警尚可支吾今也邊戍倍增用度益廣每難酬應朝廷以其數之不敷歲

降七百萬緡以助其費此其大畧也臣邇者忝丞農
扈亦嘗究觀農寺之出納矣農事歲催之額米以石
計凡一百三十餘萬緡計凡一百六十餘萬以既入
之錢糴未足之米總約二百餘萬有後可以敷歲支
之數此亦其大畧也蜀之所產未足以供一歲之用
農事寺之所催僅可以為一歲之出求其儲積以備
不時之須蓋無有也類而推之湖廣總計猶是也淮
東西總計亦猶是也此所謂經費之外卒有緩急取
辦放於朝廷之椿管散在他所者不得而知也其米

斛之在京城者可得而言也曰兩豐儲曰中下界其
倉凡四以石計之總不過二百萬外水旱之科撥歲
寒之賑濟閏月之貼降皆於焉取之此猶曰常程也
最可慮者江西湖廣粒米狼戾之地昔號樂土今為
盜區虎豹橫行鴻雁來集賦輸不入綱運轉虧諸總
所以匱乏昔常截大農之綱以周其急矣寇賊未平
漕運未至則其告匱必不能已也農事以貼降請嘗
撥椿管之數以償其虧矣截撥之令不容不行則其
求償又與之俱也移東而補西已非策之得已若捉

衿而肘見不知計又安施識者殆凜凜焉可不急為之圖也哉去歲浙右之地皆以稔告朝廷和糴視舊有加廟算深長動中事會獨惜夫任是職者不務大體競為淺謀錙銖必較則負版之徒安能奔走以聽命網羅交設則藏積之家不免懷疑而待價名為和糴實類科糴始於起時終於失時然猶幸其可以為國計之助他不足問也今日之勢迫矣所積有限而所以仰給者無窮將何以為計臣願陛下軫念事變之來急為根本之慮其於時政實非小補 知成都

曹彥約奏曰臣竊謂今日財用之弊不可不深致也問之朝廷則窘于應辦問之州縣則窘于支遣以為在總餉歟則今日之總餉非昔日比也以為在戎司歟則今日之戎司非一律也臣始守漢陽軍當湖北最窘處適虜騎入境催科縮手猶且支遣解發不改常度是十年以前州郡猶可為也越二年而攝事湖廣總餉乃見其不可為矣擬江州之銀券以足襄陽運德安之鐵鏹以實隨東移東就西截短補長支撐數月僅不廢事及正官交割後其用益窘有請于

朝久無畫降其人至投繯自殺以救得免矯制展官會界分二百萬乃始集事是八年以前總餉已不可為又二年而得守長沙亦當辦之時朝廷之科撥未至而諸郡之綱運尚闕帥司移文本州未免那兌其間小小名色不復責償值朝廷稱提官會則多出庫錢以便百姓然而二年之後比交割元數猶有增羨是七年以前州郡猶可為也又二年而得節制利州兼領郡事則知利州之事已不得如長沙時矣用兵之後事力更改有節度使寄居奉祠則歲費增數千

緡矣有總管鈐轄路分添差足作闕則歲費又增萬緡矣黽勉盡瘁僅了元額又二年而得守豫章則知豫章之事又不得如利州時矣調發既多則酒課不辦權場不通則稅課漸減雖樽節用度不致虧數而其所以為經費者甚岌岌也戎司之事雖不曾親歷而利州置司所在亦或剽聞矣管軍二萬四千人而交承錢物不過二三萬緡支吾不行至有奪前政宅庫之物以為公用者被旨巡邊迴避戍卒支犒有以莽妻為名行于小路者是數年以來不特州郡不可

經之庸通元
支遣而為戎司者亦有窮陋至甚者矣此其故何也
朝廷之財臣不得而盡知但見招募軍兵修築城壘
額外和糴遍滿天下是用財之處比前日為多也楮
券不足加以增印度牒不足助以告勅是生財之路
比前日為廣也國用司本意所以蓄臧幣之數耳沒
入平民漸生枝葉安邊所本意所以籍權奸之產耳
變及征權頗動觀聽大寧監之益利已竭而轉運司
之增羨不已宥昌之馬價未償而茶馬司之猷納不
廢是取財之道比前日為苛也民力極矣不可以增

賦矣上下煎熬一至於此將何以救之哉故臣嘗論
之天下之財未足以了天下之用位置分畫要得其
所截然條目不可移易成周之財以九賦歛之以九
式均之自邦中以至幣餘各有常賦自祭祀以至好
用皆有常式漢以吏祿公用賦于民不以封君湯沐
為經費唐以世業口分授于民不以留州送使為上
供古人經理天下大率如此本朝列聖立法尤更詳
備紹興隆興之間虜寇犯順朝廷調發雖費若河海
而州縣常賦無窘迫之態百姓安業無怨懟之患大

郡交割之數有緡錢之積多至百萬者小郡見管亦
有數十萬者若民間積粟之富則又徃徃稱此上戶
多者十萬斛中產亦千斛上恬下熙相安于無事當
淳熙紹熙時其俗未改近者公私之計窮陋萬狀皆
云開禧以來兵議纔起取常平義倉以供綱運則救
荒無先備撥宮告度牒茶鹽引為糴本則交易無見
價軍器之有制製造弓兵之有調發椿積之有水脚
招軍之有賞犒非時泛用一切取辦荷朝廷出豁雖
許于交錢內支破而州郡積漸至無遺蓄矣調發有

劈券則月糧有倍費公賞有轉資則食錢有添請拆
洗有徃來之費暴露有特喝之賞便宜從事一切取
辦若朝廷應副稍不如期而轉餉兌殊虧舊額矣戎
司之事雖不窮問本末然而窘于開禧之後而不窘
于開禧之前亦必有以致此也望陛下與大臣議立
為定制以官兵之常數責州郡而不責以非時之須
以歲時之常用責諸司而不責以不測之費總所之
有應兌者悉與拋降使之任乏興之罪課利之有增
羨者不許申奉使之備循環之費其一切調發之用

則朝廷自任其責當科降者即與科降不必徒為勘
究當支撥者速與支撥不許無故滯留如八月當和
糴則七月先和科降十月當調發則九月先支撥久
監司郡守之任以寬其迎送嚴刻剝羨餘之禁以阻
其觀望使有志者可以募士可以養兵謹重者可以
備水旱可以修城郭設有緩急亦得以仰成而取辦
至于戎司之事尤當知其事力寬其利源上可以慰
其心下可以饗其士伸縮自如可以展布其氣象有
太平盛觀矣若夫大農之不繼則在陛下有以圖回

而幹旋之耳側聞紹興和戎則以內帑了歲幣中間
用兵則以內帑激將佐聞高宗聖訓以為內帑所有
專以用兵宮中則未嘗妄費也烈祖中興之法昭若
日星可不舉而行之乎雖然又有一說焉軍政在戎
帥則總領之奉使者為急務軍政在宣制則總領之
奉使者為贅員不可不察也蓋軍政在戎帥則民事
不得而與知命人以總領其事無可疑者軍政在宣
制則財賦之輕重當出直其手總領之職特一有司
耳今欲招一軍而聽命于朝論移一屯而分券于總

所使朝論疲于應酬視為常事總所恥于督辦遞相
萑菲宣制之事臣以為不可為也誠能使四總所財
聽命于宣制如張浚之用趙開言就糧措運惟意所
欲如胡世將之處吳玠不膠柱調瑟不鑿空取辦或
欲減一軍以寬用度或欲增一軍以臨邊寨効用之
有奇傑者可陞為背嵬民兵之有精悍者可選為効
用審緩急之宜量出入之數使為宣制者得以專之
而他司不得以撓之非有大變革不必俟命而後行
非有大調發不得乞錢而後舉則州縣制總皆得以

自用其財而大農之財亦可得而稽考矣其或食閭
外之祿不肯專閭外之政有功則歸利于己有誤則
歸過于朝微有措畫則乞錢以示重費稍有寬餘則
回納以示廉儉今世之人皆以為善處已矣以臣愚
觀之直謂之不任事可也臣既有微見不敢有隱于
陛下惟陛下宥其僭

理宗端平元年都省言近來戶部財賦會計不明用度
無節詔令尚書省計簿房置局稽考委都司官同樞
密院編修官編類端平會計錄仍令條具來上權置

檢閱文字二員尋差宣教郎趙與時承事郎趙汝暨
時臣寮奏古者冢宰置國用必于歲抄視年豐耗
量入為出願陛下特命宰臣兼制國用以叅知政事
同知使人主不得越制過取有司不得違制擅支上
下一心君臣同德會計有局檢閱有官庶幾財用日
益則國用濟矣從之 侍御史李鳴復奏畧曰古者
冢宰制國用必于歲之抄視年豐耗量入以為出夫
量入為出一有司事耳而必為之制必歸之冢宰何
也蓋天下之財其入也有豐耗之不常則其出也有

增減損之各異多寡之數酌其費用之宜是之為謂
制此制一定雖人主不得越制而過取有司不得違
制而擅支制與不制之間而國計之盈虧民生之休
戚天下之理亂係焉此豈一有司所能辦哉周官天
官之屬六十宮衛之賤士則領之魚腊醢醢之微物
則領之次舍帷帶裘服之末用則領之以至官寺嬪
御使令之冗役則又領之是王宮之事無貴賤無巨
細皆隸之冢宰也國朝財用雖掌之三司使而制國
用之說憂國者每每及之張方平論文費數廣則乞

續文獻通考
下中書樞密院審加圖議范鎮論財匱民困則乞使
中書樞密通知兵民財利大計至孝宗乾道間則又
特命宰相帶兼制國用使叅政同知國用事當時雖
九重邃密之地亦未嘗不朝夕在念也今日之財用
匱矣問戶部戶部莫之知問之宰相宰相亦莫之知
戶部不以白宰相宰相不以告陛下府庫已竭而調
度方殷根本已空而蠹耗不止廟堂之上縉紳之間
不聞他策惟添一捺紙局以為生財之地窮日之力
增印楮幣以為理財之術楮日益多價日益減號令

不足以起其信繼以稱提稱提不足以強其從重以
估籍估籍之令行而民不聊生矣往者會計有局檢
閱有官在上者若致思於國計矣然置郵旁午徒撫
空文歲月遷延莫究實效是雖為而何益論造楮有
疏論省費有數在下者若致憂於國用矣然位言高
聽之者信未必信事大體重聞之者未必行是雖言
而何補臣愚欲陛下遠體周人制國用之遺意近法
孝宗任宰執之成規明詔大臣條陳經畫何道而可
以足一歲之用何術而可以致九年之蓄所入不足

於何而取辨所出不敷於何而減損撥事理之當然
度時宜而裁酌當必有轉移闢闔之用以副陛下之
責望者 嘉熙元年正月初置財用司 按太祖太
宗設三司主計有度支之目又有提舉帳司磨勘理
欠等司皆為會計財用也唐李甫嘗錄元和國計著
為成書宋景德皇祐治平熙寧元和主計者皆有錄
上之其戶口之籍輿地之圖調度之多寡錫予之厚
薄莫不畢具各內藏與天下封樁非三司所領者不
與焉元祐會計錄蘓轍所著蓋取元豐八年會計之

實而別其五曰收支曰民賦曰課入曰儲運曰經費
謂一歲之入不足以供一歲之出且論宗室為節度
防禦觀察者數倍於皇祐百官為大夫者數倍於景
德稍減宗室及百官任子恩澤見任者無損方來者
有限亦至計也自罷三司理財既無法而渡江以來
典籍散漫會計之事一切委而不講苟支目前議者
惜焉 淳祐七年四月詔今歲明堂 事神儀物諸
軍賞給悉循舊制其乘輿服御 用度並從省約
令有司條具以聞

續文獻通考
度宗咸淳三年趙殿院奏臣聞用度約者國必興用度
侈者國必亡今東南視渡江初疆宇尤狹而又強敵
臨邊將士之費視昔百倍自非中外浮費痛戒樽節
一旦財盡其能國乎上曰此疏極關治體便可施行
遼起朔漠經費皆不可考惟日有宴月有賜賜之多者
銀至二三千金又鞍馬衣足佐之然亦不至告匱豈
防邊之費既省而又藉宋人以為外府與

金

太宗天會十一年黃龍府置錢帛司

熙宗天眷元年命少府虞彥倫營建宮室止從儉素
皇統七年詔減常膳羊豕五之二 海陵正隆時特
其強欲大肆征伐以一天下乃造戰船于通州又遣
使分詣諸道總管府督造兵器又造汴宮修燕城民
不能堪箭翎一尺至千錢村落間徃徃推牛以供筋
革至于烏鵲狗彘無不被害者

世宗大定二年詔減御膳及宮中食物之半 六月詔
出內府金銀給征契丹軍用 八年正月謂秘書監
移刺子敬等曰昔唐虞之時未有華飾漢惟孝文務

續文獻通考
為純儉朕于宮室惟恐過度其于興修則損宮人歲費以充之今復亦不復營建矣如宴飲之事近聞太子生日及歲元常飲之徃者亦止上元中秋飲之耳八年五月詔工戶兩部自今宮中之飾並勿用黃金十四年十一月諭尚食局品味太多徒為虛費自今進可口者數品二十年正月命歲以錢五千貫造隨朝百官節酒及冰山燭藥炭視品秩給之時叅知政事梁肅論生財舒用八事一曰罷隨司通事二曰罷酒稅司拘攔人三曰天水部王本族已

無在者其餘皆遠族可罷養濟四曰裁減隨司契丹吏員五曰罷榷醋以利予民六曰量減鹽價使私鹽不行民不犯法七曰隨路酒稅許折約納諸物八曰今歲大稔乞廣糴米麥使錢貨流出上曰趙氏養濟一事乃國家美政不可罷其七事宰執詳議以聞二十六年十二月上謂宰臣曰朕年來惟以省約為務常膳止四五品已厭飫之比初即位十減七八宰臣曰天子自有制不同餘人上曰天子亦人耳枉費安用又曰朕日膳亦減省嘗有一公主至而無餘

膳可與朕欲日用五十羊何難哉慮費用皆出于民朕不忍為也 二十七年三月諭宰臣曰國初風俗儉約居家惟衣布衣非大會賓客未常輒烹羊豕朕常念當時節儉之風不欲妄費凡宮中之官與賜之食者皆有常數

世宗自奉儉約其賚臣下甚厚詳具于左 初年賜與宋交兵陣亡軍士賻錢三十貫鳳翔尹孛術魯定方賻銀五百重綵二十端猛安三百貫謀克二百貫蒲里衍一百貫權猛安二百貫權謀克一百五十貫

權蒲里衍七十貫 紇若烈志寧以功賜玉杓及黃金五百兩沒後賻金一千五百兩重綵五十端絹五百足 僕敬揆以功賜銀一千五百兩重綵五十端絹五百足 徒單合喜以功賜銀一千二百五十兩重綵幣帛有差 完顏守道以功賜銀一千兩重綵五十端絹一百足 耨兀帶賻銀千兩重綵四十端絹百足 思敬以功賜銀金百兩銀千兩重綵四十端 納合椿年賻金二千兩綵百端絹千足錢千萬 烏延查剌以功賜銀三百兩重綵二十端 獨吉

義以功賜金五十兩銀五百兩 阿魯補有功為海陵所殺賻金五百兩重綵二十端絹三百足 張浩賻金千兩重綵五十端絹五百足 宗憲賻銀一千五百兩重綵五十端絹五百足 永元賻銀三百兩重綵十端絹百足 榮五顯賻銀千兩絹四百足 穀英前後以功被賞者金二百五十兩銀六千五百兩絹八百足馬三百十有四匹羊六千五百頭奴婢一千三百人 劉統珣赴外任賜廐馬金帶綵十端及卒賻銀三百兩重綵三十端 光慶賻銀三百兩

重綵十端絹百足 二十九年五月章宗已即位詔罷送

宣錢今後諸護衛考滿賜官錢二千貫 六月罷送

赦禮物錢 明昌五年四月詔自今筐檣床榻之飾

毋以金玉 六年命減萬寧宮陳設九十四所 承

安元年十二月遣提點太醫近侍局使李仁惠賜勞

北邊將士授官者萬一千人授賞者凡二萬人共用

銀二十萬兩絹五萬足錢三十二萬貫 二年四月

尚書奏比年北邊調度頗多請降僧道空名度牒紫

褐師德號以助軍儲從之 六月詔罷瑤殿工作

四年三月尚書省奏減親軍武衛軍額及太學女直漢兒生員罷小學官及外路教授以省俸給詔學校仍舊武衛軍額再議餘報可 五年三月罷獄空錢衛紹王崇慶元年五月詔賣空名勅牒

宣宗貞祐三年三月京師大括粟 又遣叅知政事高汝礪往河南便宜措置糧儲至九月復命往陳州規畫 甲戌借平陽民租一年裁損宮中歲給有差 興定三年四月高汝礪請備防秋之糧宜及年豐于河南州郡驗直立式募民入粟上與議定其法行之

五年十一月諭大官減損食品

哀宗正大三年正月詔尚書省諭議省減用度 十一月詔諭陝西兩省凡戎事三品以下官聽以功過賞罰付銀二十五萬兩從其給賞 六年七月以罷陝西省軍中浮費 天興元年八月括民間粟尋詔罷括粟以進獻取之 九月以榜召賣放下年軍須錢上戶田租如之 辛亥罷貧民進獻糧再括京城粟 時元兵圍汴京城乏食前御史大夫內合周復翼進用建言京城括粟可得百萬餘石朝廷信之摧叅

知政事與李蹊總其事先令各家自寔壯者存石有三斗幼者半之仍書其數門首敢有匿者以升斗論罪京城三十六坊各選深刻者主之內族完顏久住尤酷暴有寡婦二口寔豆六斗內有蓮子約三升久住笑曰吾得之矣執以令衆婦泣訴曰妾夫死于兵姑老不能為養故雜蓬批以自食耳非敢以為軍儲也且三升六斗之餘不從竟死杖下京師聞之股栗盡投其餘糞溷中或白于李蹊李蹊顰蹙白之叅政其人即白合州州合州州曰人云花又不損蜜又得成予

謂花不損何由成蜜且京師危急今欲存社稷耶存百姓耶當時皆莫敢言然所括不能三萬斛斛而京師益蕭然矣時汴城圍急內外不通米一升至銀二兩殍屍相望縉紳士女多行乞于市至有自食妻子者諸皮器物皆煮充饑貴家第宅市樓肆館皆撤以爨時金主欲東奔乃發府庫及內府器皿宮人衣物賜將士年二月年九月括蔡城粟時哀宗奔蔡城又乏食故也

按金太祖肇造減遼祖稅規模遠矣熙宗海陵之世

續文獻通考
風氣日開兼事遠畧君臣講求財用之制切切然以是為先務雖以世宗之賢儲蓄之志未嘗一日而忘章宗彌文蝟興邊費日廣食貨之議不容不急宣宗南遷國土日蹙汚池數罟徃徃而然蓋法之初行惟恐不密言事者謂其厲民即命罷之罷之未久會計者告用乏又復舉行其罷也志以便民而民未見德其行也志以足用而用不加饒及其亡也括粟攔糴一切培克之政靡不為之加賦數倍豫借數年或欲得鈔則豫賣下年差科高琪為相議至推油進納濫

官則輒受空名宣勅或欲與以五品正班僧道入粟始自度牒終至德號綱副威儀寺觀主席亦量其貲而鬻之甚而丁憂鬻以求仕監戶鬻以從良進士鬻至及第又甚而叛臣劇盜之効順無金帛以備賞激勸以王爵固結其心重爵不繼則以國姓賜之名寔混淆倫法數壞皆不暇顧國欲不亂其可得乎迨夫宋絕歲幣而不許和貪其淮南之蓄謀以力取至使樞府武騎盡于南伐訛可時全之出初志得糧後乃尺寸無補三軍覆亡元帥壓境兵財俱困無以禦之

續文獻通考卷之三十四終
傳曰作法于涼其弊猶貪作法于貪弊將若何使其
初用唐之永業口分以制民產倣其租庸調之法以
足國用何至百年之內虛耗如此與其弊在于急一
時之利踵久壞之法鄙遼儉朴襲宋繁勦之文懲宋
寬和加遼操切之政故也

續文獻通考卷之三十四終

續文獻通考卷之三十五

國用考 元

元

世祖至元六年詔鞍靴箭鏃等物自今以後不得以黃
金為飾 十年河南宣慰司言軍興轉輸煩重宜賦
軍匠諸戶權助財用從之 十四年詔禁中出納分
三庫內藏主御用寶玉遠方珍異右藏主金銀只孫
左藏主綺縑布 十七年秋八月帝如上都以每歲
聖誕節及元辰日禮儀費用皆斂之民詔罷之 二

十九年冬十月右丞相完澤言一歲天下所入凡二百九十七萬八千三百五錠其中有未至京師而在道者有就給軍旅及造物料館傳俸祿者自春及今凡出三百六十三萬八千五百三十四錠出數已逾入數六十三萬一百三十八錠矣今後賜諸近侍亦宜有節帝嘉納之 十一月中書省臣言自正旦至二月中旬費五十萬錠臣等兼總賦自今侍臣奏請賜賚乞令臣等預議帝是之 十二月桑哥言有分地之臣例以貧乏為辭希覬賜與財非天墜地出皆

取于民苟不慎其出入恐國用不足帝曰自今不當給者汝即畫之當給者宜覆奏朕自處之 時趙天麟上策曰臣聞堯居茅屋禹戒雕墻周王之卑服漢帝之皂綈非徒畫質素之本心亦以杜人民之奢汰也至元年間都堂議得民間喪葬紙房金銀人馬并綵帛衣服帳幙等物截日畫行間斷禁又准中書省奏定到官民嫁娶聘財筵會等事此皆先帝慎儉德以懷永圖推其餘以化下民也今天下之人或有見衣服鮮明騶從翹楚者從而羨之見衡門安志樂業循

常者從而笑之至權吏濫官豪富子弟以驕淫相誇以奢靡相尚以節約為耻以貞廉為愚既不副于上心又重傷于家業延及士庶轉相倣習以成風伏望陛下體先帝之意禁王公大人之奢侈則天下之官民不令自從矣

成宗元貞元年中書省臣言朝會賜與之外餘鈔止有二十七萬錠凡請錢糧者乞量給之仍定西平王與魯赤寧遠王闊闊出鎮南王脫歡及也先帖木兒大會賞賜例金各五百兩銀五千兩鈔二千錠幣帛各二

百足諸王帖木兒不花也只理不花等金各四百兩銀四千兩鈔一千六百錠幣帛一百六十疋 二年定諸王朝會賜與太祖位金千兩銀七萬五千兩世祖位金各五百兩銀二萬五千兩餘各有差 大德二年上諭省臣曰每歲天下金銀鈔幣帛出入幾何諸王駙馬賜與一切營建所用幾何其會計以聞于是完澤奏歲入之數金一萬九千兩銀六萬鈔三百六十萬錠然猶不足于用于至元鈔本借二十萬錠自今敢以節用為請上嘉納焉為罷中外土木之役

十一年武宗已即位進奉興聖宮金二千七百五十錠銀十二萬九千二百兩鈔一萬錠幣帛二萬二千二百八十疋賜皇太子亦如之

武宗至大元年中書省臣言今國用甚多帑藏已乏用及鈔母非宜益引向從運司與民為市今權時制宜從戶部鬻鹽引八十萬非便有旨今歲姑從所請以後勿復行又言太府為內藏世祖成宗朝遇重賜則取給中書今賜有踰千錠至萬錠者皆取之太府比者太府取五萬錠已支二萬矣今復以乏告請自後

內府所用數多者仍取之中書帝曰此朕特旨後當從所奏二年中書省臣言請節財用言今銓選錢糧之法盡壞廩藏空虛中都建城大都建寺及為諸貴近營造私第軍民困斃用度日廣每賜一人動至鉅萬恐至不繼宜暫節縮三年十月中書省臣言宣徽院廩給日增儲峙雖廣亦不能給宜加分減帝曰此見后宮飲膳與朕無異有是理耶其令伯答沙與宣徽院官覈實分減之四年仁宗已即位諭太府監臣曰財用足則可以養萬民給軍旅自今雖一

續文獻通考
繒之微不言于朕毋輒輕以與人 十二月李孟奏
錢糧為國之本世祖朝量入為出恒務撙節故倉庫
充牣今每歲支鈔六百餘萬錠又土木營繕百餘處
計用數百萬錠內降旨賞賜復用三百餘萬錠北邊
軍需又六七百萬錠今帑藏見貯止十一萬餘錠若
此安能周給自今不給浮費宜悉停罷帝納其言凡
營膳悉罷之

英宗至治元年以登極大賚諸王百官中書會其數計
金五千兩銀七十八萬兩鈔一百二十一萬一千貫

幣五萬七千三百六十四疋帛四萬九千三百二十
二疋木綿九萬二千六百七十二斤布二萬三千三
百九十八疋衣八百五十九襲鞍勒弓矢有差給嶺
北驛牛馬造今年鈔本至元鈔五千萬貫中統鈔二
百五十萬貫 二年三月以國用匱竭停諸王及皇
后歲賜省臣復奏請節賞賚以紓民力上曰朕思所
出倍于所入出納之際卿輩宜慎之朕當撙節其用
三年帝御大安閣見太祖世祖遺衣皆以繻素木
綿為之重加補綴嗟嘆良久謂侍臣曰祖宗創業艱

續文獻通考
難服用節儉乃如此朕焉敢頃刻忘之

泰定帝泰定二年五月旭邁傑等以國用不足請減廐馬汰衛士及節諸王濫賜從之 七月以國用不足并罷書金字藏經 十二月上以災異詔百官集議平章張珪與省院翰林集賢極論當世得失奏之其畧言世祖時不聞中買寶物今分珠寸石售直數萬妄稱呈獻冒給回賜以致累朝未酬寶價四十餘萬鉅天下所徵歲入止十一萬四千所入僅足以償皆生民膏血請俟國用饒足議還西山建寺損害軍民

費以億萬動經年歲宜且停罷中外署置官吏非世祖創設者宜悉減汰以節濫費比來惟務徼福僧道病國厲民罷功德使司諸宿衛宮女之屬宜如世宗祖文請之數給之凡數千言上不能從 四年御史辛鈞言西商鬻寶動以數千萬鉅今水旱民貧請節其費不報

文宗天曆元年中書奏賞賚不宜濫及無功鷹鷂獅豹舊支肉價二百餘鉅今增至一萬三千八百鉅控鶴舊止六百二十八戶今增二千四百戶佛事歲費以

今比舊多金一千一百五十兩銀六千二百兩鈔五萬六千二百錠幣帛三萬四千餘疋請悉減汰從之中政院又言皇后日用所需鈔十萬錠幣五萬疋綿五千斤詔鈔予所需之半幣給一萬疋為定制 至順元年秋七月中書省臣言近歲帑廩空虛其費有五曰賞賜曰作佛事曰創制衙門曰濫冒支請曰續增衛士鷹坊請與樞密御史臺各怯薛官同加汰減上從之

順帝至正四年宣徽院使太平以宣徽典飲膳權勢多橫索取簿閱之惟太常禮儀使向刺不花一無所需太平因言于帝擢居近職且厚賜之

諸王皇后駙馬歲賜

太祖叔荅里真官人位 歲賜銀三十錠段一百疋五戶絲一千八百一十二斤 江南戶鈔四百四十錠

太祖弟搠只哈撒兒大王子淄川王位 歲賜銀一百錠 段三百疋 五戶絲三千六百五十六斤 江南戶鈔一千二百錠

太祖弟哈赤温大王子濟南王位 歲賜銀一百錠綿
六百二十五斤小銀色絲五千斤段三百足羊皮一
千張 五戶絲九千六百四十八斤 江南戶鈔二
千六百錠

太祖弟幹真那顏位 歲賜銀一百錠編絹五千九十
八足綿五千九十八斤段三百足諸物折中統鈔一
百二十錠羊皮五百張金一十六錠四十五兩 五
戶絲一萬一千四百二十五斤 江南戶鈔二千八
百五十五錠

太祖弟孛羅古解大王子廣寧王位 歲賜銀一百錠
段三百足 五戶絲一千三百五十九斤 江南戶
鈔七百二十錠

太祖長子朮赤大王位 歲賜段三百足常課段一千
足 五戶絲五萬一千三百二十斤 江南戶鈔二
千四百錠

太祖次子茶合解大王位 歲賜銀一百錠段三百足
綿六百二十五斤 江南戶鈔二千六百九十三錠
太祖第三子太宗子定宗位 歲賜銀二十六錠三十

三兩段五十足 五戶絲五千一百九十三斤

太祖第四子睿宗子阿里不哥大王位 歲賜銀一百

錠段三百足 五戶絲五千一十三斤 江南戶鈔

四千一百六十錠

太祖第六子闊列堅太子子河間王位 歲賜銀一百

錠段三百足 五戶絲四千四百七十九斤 江南

戶鈔二千一百五十七張

太宗子合丹大王位 歲賜銀一十六錠三十三兩段

五十足 五戶絲九百三十六斤 江南戶鈔一百

錠

太宗子滅里大王位 歲賜銀一十六錠三十三兩段

五十足 五戶絲九百九十七斤

太宗子合失大王位 歲賜銀一十六錠三十三兩段

五十足 五戶絲一百五十四斤

太宗子闊出太子位 歲賜銀六十六錠三十三兩段

一百五十足 五戶絲七百六十四斤

太宗子闊端太子位 歲賜銀一十六錠三十三兩段

五十足 五戶絲三千五百二十四斤 江南戶鈔

續文獻通考
一千九百九錠

睿宗長子憲宗子阿速台大王位 歲賜銀八十二錠
段三百疋又泰定二年晃兀帖木兒大王改封并王
增歲賜銀一十錠班禿大王銀八錠又泰定三年明
里忽都魯皇后位下添歲賜中統鈔一千錠段五十
疋絹五十疋 五戶絲九百一十六斤

睿宗子世祖次子裕宗位 歲賜銀五十錠 江南戶
鈔一千一百九十錠

裕宗子順宗子武宗 五戶絲懷孟一萬一千二百七

十三戶 江南戶鈔二千六百錠

睿宗子旭烈大王位 歲賜銀三百錠段三百疋

睿宗子末哥大王位 歲賜銀五十錠段三百疋 五

戶絲三百三十三斤 江南戶鈔三百二十四錠

睿宗子撥綽大王位 歲賜銀五十錠段三百疋 五

戶絲六百一十二斤 江南戶鈔二百一十三錠

睿宗子歲哥都大王位 五戶絲二十斤

世祖次子裕宗后位 歲賜段一千疋絹一千疋

江南戶鈔四千二百錠 又三百三十錠

世祖次子安西王忙哥剌位 歲賜段一千足絹一千足 江南戶鈔二千六百錠

世祖北安王那木罕位 歲賜段一千段絹一千足 江南戶鈔二千六百錠

世祖次子平遠王闊闊出位 歲賜段足物料折鈔一千六百五十六錠銀五十錠折鈔一千錠 江南戶鈔五百四十四錠

世祖次子西平王奧魯赤位 歲賜段足物料折鈔一千六百五十六錠銀五十錠折鈔一千錠 江南戶

鈔五百四十五錠
世祖次子奧牙赤大王位 歲賜銀五十錠折鈔一千錠段足物料折鈔一千六百五十六錠 江南戶鈔

五百四十五錠
世祖次子鎮南王脫歡位 歲賜銀五十錠段足物料

折鈔一千六百五十六錠 江南戶鈔五百五十四錠

世祖次子雲南王忽哥赤位 歲賜銀五十錠折鈔一千錠段足物料折鈔一千六百五十六錠 江南戶

鈔五百四十四錠

世祖次子忽都帖木兒太子位 歲賜銀五十錠折鈔
一千錠段足物料折鈔一千六百五十六錠 江南
戶鈔五百四十四錠

裕宗長子晉王甘麻剌位 歲賜段一千足絹一千足
又朶兒只年例支中統鈔一千錠 五戶絲益都二
十九戶 江南戶鈔二千六百錠

順宗子阿木哥魏王位 江南戶鈔二千六百錠
順宗子武宗子明宗位 江南戶鈔二千六百錠

合丹大王位 五戶絲七十七斤

阿魯渾察大王 五戶絲二斤

霍里極大王 五戶絲三十四斤

太祖四大斡耳朵 歲賜銀四十三錠紅紫羅二十足
染絹一百足雜色絨五千斤針三千個段七十五足
常課段八百足 五戶絲五千二百七斤 江南戶
鈔八百錠

第二斡耳朵 歲賜銀五十錠段七十五足常課段
一千四百九十足 五戶絲六百五十七斤 江

南戶鈔六百錠

第三幹耳朶

歲賜銀五十錠段七十五足常課段

六百八十二足

五戶絲四十八斤

江南戶鈔

八百四十錠

第四幹耳朶

歲賜銀五十錠段七十五足五戶

絲四十六斤

又絲二百四斤

世祖四幹耳朶

大幹耳朶

歲賜銀五十錠

江南戶鈔一千六百

錠

第二幹耳朶

歲賜銀五十錠又七錠段一百五十

足江南戶鈔一千六百八十錠

第三幹耳朶

歲賜銀五十錠

江南戶鈔一千一

百九十錠

第四幹耳朶

歲賜銀五十錠

江南戶鈔一千一

百九十錠

順宗后位

歲賜段五百足

江南戶鈔三萬一千五

百戶

武宗幹耳朶

真哥皇后位 歲賜銀五十錠鈔五百錠 江南戶

鈔一千六百八十錠

完者台皇后位 歲賜銀五十錠 江南戶鈔一千

一百九十錠

趙國公主位 五戶絲二千三百九十九斤 江南

戶鈔一千八十錠

魯國公主位 五戶絲二千二百九十九斤 江南戶鈔

一千六百錠

昌國公主位 五戶絲二千七百六十六斤 江南

戶鈔一千八十錠

鄆國公主位 五戶絲一千八百三十六斤 江南

戶鈔一千六百錠

塔出駙馬 五戶絲九十五斤

帶魯罕公主位 歲賜銀四錠八兩段一十二足

五戶絲二百五十四斤

大雷公主位 五戶絲七百二十二斤

奔忒古兒駙馬 五戶絲二十二斤

獨木干公主位 五戶絲二百二十四斤 江南戶

鈔五十六錠

勲臣歲賜

木華黎國王

五戶^絲三千三百四十三斤

江南戶

鈔一千六百四十錠

索羅先鋒

五戶絲二十八斤

行丑兒

五戶絲一十五斤

闊闊不花先鋒

五戶絲一十五斤

撒吉思不花先鋒

五戶^絲一十五斤

阿里侃斷事官

五戶絲一十四斤

乞里反拔都

五戶絲四十斤

索羅海拔都

五戶絲六十一斤

拾得官人

五戶絲八十四斤

伯納官人

五戶絲十八斤

帶孫郡王

五戶絲七百二十斤

江南戶鈔四百

二十八錠

笑乃帶先鋒

五戶絲三十一斤

愠里答兒薛禪

五戶絲二千四百二十五斤

江

南戶鈔八百四十錠

木赤台郡王 五戶絲二千九百四十八斤 江南

戶鈔八百四十錠

阿里思蘭官人 江南戶鈔一百二十錠

孛魯古妻佟氏 五戶絲一十五斤

八答子 五戶絲二千四百六斤 江南戶鈔六百

二錠

右手萬戶三投下孛羅台萬戶 五戶絲一千七百

三十八斤 江南戶鈔七百一十六錠

忒木台駙馬 五戶絲九百八十九斤 江南戶鈔

三百九十五錠

斡闊烈閣里必 五戶絲六百八十斤 江南戶鈔

六百四十六錠

左手九千戶合丹大息千戶 五戶絲一百六十斤

江南戶鈔九錠

也速不花等四千戶 五戶絲二百二十三斤

也速兀兒等三千戶 五戶絲二百八十八斤 江

南戶鈔絲一百八十八斤

帖柳兀秃千戶 五戶絲二百六斤 江南戶鈔四

十九錠

和針温兩投下一千二百戶 五戶絲七百四十八斤 江南戶錠四百二十錠

忽都虎官人 五戶絲廣平等處四千戶 江南戶鈔二百一十二錠

滅古赤 五戶絲一百三十戶 江南戶鈔二百錠

搭思火兒赤 五戶絲一百五十五斤

搭丑萬戶 五戶絲三十七斤

察罕官人 五戶絲二百二十四斤

索羅渾官人 五戶絲四百四十九斤 江南戶鈔

一百六十錠

速不台官人 五戶絲二百三十斤 江南戶鈔六

十四錠

速敦官人 五戶絲二十八斤

也若千戶 五戶絲一百一十八斤 江南戶鈔五

十六錠

阿可兒 五戶絲七十八斤

伯八千戶 五戶絲一百四十斤

兀里羊哈歹千戶 五戶絲一百九十一斤

秃薛官人 五戶絲八十斤

折米思拔都兒 五戶絲二十斤

獠虎官人 五戶絲二十斤百四

孛哥帖木兒 五戶絲二十三斤

也速魯千戶 五戶絲一十六斤

鎮海相公 五戶絲二十一斤

按察兒官人 五戶絲二十九斤

按攤官人 五戶絲一十六斤

阿木魯拔都 五戶絲一百二十斤

索羅口下裴太納 五戶絲一十二斤

撒秃千戶 江南戶鈔一百二十錠

也可太傅 五戶絲一百二十斤

迭哥官人 五戶絲五百七斤

卜迭捏拔都兒 五戶絲一十六斤

黃兀兒塔海 五戶絲四十斤

怯來千戶 江南戶鈔一百二十錠

哈刺口温 五戶絲真定三十二戶

曳刺中書兀圖撒罕里 五戶絲一百十七斤

欠帖木 五戶絲曹州三十四戶

欠帖温 歲賜絹一百匹弓弦一千條

扎八忽娘子 歲賜常課段四百七十匹

魚兒泊八刺千戶 五戶絲二百四十斤

昔寶赤 江南戶鈔一百六十錠

八刺哈赤 江南戶鈔一百六十錠

阿塔赤 江南戶鈔一百六十錠

必閣赤 江南戶鈔一百六十錠

貴赤 江南戶鈔一百六十錠

厥列赤 江南戶鈔二十錠

八兒赤不魯古赤 江南戶鈔二十四錠

阿速拔都 江南戶鈔一百三十六錠

也可怯薛 江南戶鈔二百錠

忽都答兒怯薛 江南戶鈔二百錠

帖古迭兒怯薛 江南戶鈔二百錠

月赤察兒怯薛 江南戶鈔二百錠

玉龍帖木兒千戶 江南戶鈔一百二十錠

別苦千戶 江南戶鈔一百二十錠

幢兀兒玉 江南戶鈔二百錠

霍木海 五戶絲大明等處三十三戶

哈刺赤禿禿哈 江南戶鈔一百六十錠

添都虎兒 五戶絲真定一百戶

賈荅刺罕 五戶絲大都一十四戶

阿刺博兒赤 五戶絲真定五十五戶

忽都那顏 五戶絲大名二十戶

忽辛火者 五戶絲真定二十七戶

大成木兒 五戶絲真定二十二戶

布八火兒赤 五戶絲大都八十四戶

塔蘭官人 五戶^絲大寧三戶

慙刺哈兒 五戶絲保定二十一戶

昔里吉萬戶 五戶絲大都七十九戶

清河縣達魯花赤也速 五戶絲大名二十戶

塔刺罕劉元帥 五戶絲順德一十九戶

怯薛台蠻子 五戶絲泰安州七戶

必閣赤汪古台 五戶絲汴梁等處四十六戶

阿剌罕萬戶 五戶絲保定一戶

徐都官人 五戶絲大都三十一戶

西川城左奕蒙古漢軍萬戶脫力失 歲賜常課段

三十三疋

伯安歹千戶 歲賜段二十四疋

典迭兒 歲賜常課段六十四疋

燕帖木兒太平王 歲賜天慶元年定金十錠銀五

十錠鈔一萬錠分撥江東道太平路地五百頃

續文獻通考卷之三十五終

